

Տաթևացու Մեծոփից հեռանալու շարժառիթները մեզ յայտնի չեն: Թովման թէ իւր Պատմութեան և թէ ՊԾԹ Թուի յիշատակարանի մէջ յայտնում է, թէ աշակերտներն են ծածուկ փախցրել: Բայց դժուար կարելի լինէր իրագործել այդ փախուստը «սիբելի» աշակերտների կողմից՝ առանց Տաթևացու համաձայնութեան: Ամենայն հաւանականութեամբ գործին մասնակից էր և Առաքել կախկոպոսը. Տաթևից յետոյ եկած աշակերտները մի առ ժամանակ Մեծոփում մնալուց յետոյ՝ «գաղտագողի առեալ գնացին» Սաղմոսավանքի Յակոբ վարդապետի մօտ, որ իրենց ուսուցչի «հոգևոր հարազատն» էր, այսինքն աշակերտակիցը: «Եւ մեք իլեալ գնացաք զկնի ն՛ր, հն՛դձ վարդապետաւք եւ կա՛սաւք և գրոց աշակերտաւք և հասաք նմա յերկիրն Սյրարատեան, լալով, ողբով, արտասուօք և աղիսողորմն կակժանօք», գրում է Թովման ՊԾԹ Թուի յիշատակարանի մէջ. բայց համողել և յետ դարձնել չյաջողուեց: Վարդապետների մէջ էին Յովհաննէս Մեծոփեցին, Մկրտիչ (Նահպետենց), Յակոբ Ովսաննայ, Մկրտիչ Բերկրցին և Թովման: Տաթևից ընդ առաջ էր եկել և Առաքել կախկոպոսը: Երևանում Տաթևացին վարդապետական աստիճան է տալիս Թովմային. այս մասին թէև Թովման յայտնում է վերոյիշեալ յիշատակարանի մէջ, բայց առանց տեղի ահուճը տալու: Սյդ պակասը լրացնում է Կիրակոս բանասէրը*: Դէպքի ճիշդ ժամանակը յայտնի չէ. միայն պէտք է ՊԾԹ Թուի աշնան վերջերին լինի. որովհետև Տաթևացին Մեծոփեցիներից բաժանուելուց յետոյ՝ միայն 36 օր ապրեց, ութ օր Տաթև հասնելուց յետոյ. նորա մահը հանդիպեց «յաւուր տօնի Նախավկային Մտեփաննոսի մեծի առաքելոյ»: Թովմայի խօսքերից (Պատմ. Եր. 60), թէ՛ «անտի (Արարատեան երկրից) ելեալ գնացաք ի շնորհալից աթոռն իւր սուրբ առաքելոյն Ստաթէոսի» կարելի է եզրակացնել, թէ Թովման էլ Տաթև է գնացել իւր վարժապետի հետ: Բայց այդ կլինէր հակառակ յիշատակարանին, որի մէջ Թովման պարզ և մեկին կերպով գրում է, թէ լսել են նորա մահուան բօթը հեռուից, «զի յետ բաժանելոյն մեր ի նման է ԼԶ օր միայն եկաց ի մ՞րմնի»: Եւ յիրաւի, ձեռագիրների համեմատութիւնը ցոյց տուաւ, թէ պէտք է «գնաց» լինէր «գնացաք»-ի փոխարէն և խօսքը միայն Տաթևացուն է վերաբերում**: Նոյն Թուին զատկի տօնին Հաւուց Թառում վախճանուեց և Յովհաննէս Մեծոփեցին, ուր ուխտ էր գնացել «աստուածամուխ գեղարդեանն» և «պատկերի Ամենափրկչին», և Թովմայի ու վերոյիշեալ վարդապետների կողմից, որոնք նորա աշակերտներն էին, թաղուեց այնտեղ***:

* Նոր Նիւթեր. 744. (7): ** Համ. Ձեռ. № 1687/1899, 598բ. № 1705/1768, 540ա. № 1706/1769, 585բ.

*** Պատմ. Լանկ. 60. 61. 55. Նոր Նիւթեր. Ար. 754. (17):